



穆考功逍遙園集選目錄

第六卷詩類五

七言律詩一百首

寄懷張滸東大理

夏日與空上人登樓

池上餞伯完吏部未寓招隱意

送伯完之任汴藩

肖甫助甫各以雙竿見貽詩以謝之

午日同孫使君劉廣文飲池上二首



午日舟中獨酌

王元美得真術閉關寄訊二首

王敬美自關中歸訊之敬美亦遇真也

寄贈肖甫司馬撫越二首

寄余太史丙仲二首予兩膺勅命皆

草自太史

寄訊少司空何公

寄上大藩伯丘老師

贈鶴石沈文還燕時正重陽日也

宗漢重過吾廬携道行詩扇有贈

魏侍御赴留銓過訪有贈

寄王鳳梧進士

贈學博陳孝廉還閩

喜拱辰太僕轉西臺

懷余宗漢明府

擬楊道行約五子結社

雪中王鳳梧見過有贈兼憶乃弟茂才

寄南祠部李丈

雪中出郭三首

閻雷二子作雪山甚奇詩以壯之

雪後過東臺寺寺有梁貞明銅印殘碑  
仆廊下石鼎雙龍鱗甲軒然欲動殿  
基峯嶽下瞰長渠積雪迷漫曠濶無  
際僧獻清茗吹笙等夷猶久之固迫  
然別界也為賦三首紀之

寄陳侶梅方伯

王山人至自越

寄贈李扶風

贈門人李文濟進士使上谷過里

夏日晚遊東園二首

陳本容北來中風左體不仁出語不利

詩以調之

贈劉外史擢尹東安

贈陳觀察寅軒

贈李符卿北山

又嘲陳本容左體不仁

讀趙敬思橋梓詩

七夕

七月八日

走筆答伯完

寄蔡大冀以邊才起家

寄謝蔡大詩扇

聞秋蟬懷友

寄穆龍峰自大名擢楚參知二首

洞巖王生見過賦吾逍遙園詩以答之

寄謝蔡二子齊詩扇

閩人陳本虞自都中來視其弟本容過

訪投詩和答二首

王山人日收博利而廢賡和詩以調之

陳大以詩八首和余兼以石經字集成

一序喜而有贈

題並頭牡丹

與王陳二山人訂郭外賞花之約

觀籠鳥

再贈吳汝震兼憶張助父

吳汝震述其謁張助父于寧夏詩以壯之

吳汝震自城上訪余郭外坐曲水池登

竒雲樓觀並頭牡丹有贈

觀楊花

觀渠水

題張助甫督府綠波樓末翻案自嘲

與吳艸堂王松莊二山人論詩閻生池

上

訊傅湄陽行取過里

飲孝廉崔德巖池上

留別吳汝震

寄李于田吏部

拱辰以余所著百將提衡似冢宰楊公

繆得賞鑒二首

喜大司馬張公還朝兼枉薦書有作二

首

聞太宰楊公令器登鄉書

雨後吳汝震訪余負郭園論詩

元日送盧明府北上

再寄李于田

寄謝中丞賈公

別心田侍御二首

登大伾山時值久旱

賀閻別駕擢本府二守

寄答羊嵩原

邂逅王司理

寄傅湄陽柱史

贈別羊嵩原

丙戌大侵以千金助賑人有訝之者解

嘲二首

魯藩中貞以詩乞正却寄二首

寄謝龍塘

別沈邑令

第七卷詩類六

七言律詩一百首

寄南少司空方新渠還南陽二首

贈郡伯蔣公備兵霸州

滌陽王孝廉携徐布衣過逍遙園有贈

寄贈長垣劉侯

聞仰濂起家陝西參藩志喜

夏日見甫過負郭園酌以麴尊茗碗談

詩有贈

贈崔甥德嚴尹渭南

再贈崔德巖之任渭南

贈賓陽金公擢憲廣東二首

郃使君起家上谷枉過有贈兼寄石拱

辰二首

益齋成使君服除北上過訪有贈

彭司空遠貽詩刻走筆附答

題張隱君雙梅圖

贈劉吏部北上

贈王竹溪中丞



贈草菴良醫其先蓋為黃冠云  
得安陽郭相公書寄謝二首  
依韵再贈郭相國

江右周山人過漆園即席有贈

答孔炎宗侯二首

寄蔡聞吾憲副二首

再寄聞吾三首

里中餞別渭南尹崔德嚴

寄西安郭太守

寄謝王竹溪中丞

寄南陽谷吏部二首

寄謝尹春寰太守尹

清豐令

遲琴川不至却寄

繡臺李公行役至明枉顧有贈

黎陽花石歌

寄滑邑侯尹

豐侯緘吾乘興過從別後寄崑山石却

贈

次太宰楊公省會之作四首

贈陳廣文還薊門

初秋與周山人登逍遙閣用韻

郡太守尹公索題晚香堂應教二首

詠池蓮

寄汝陽劉尹內名

寄王百穀乞為先君書碑銘

懷黃吏部

吳草堂重渡河相訪

憂旱示吳汝震

吳汝震過乾山堂有贈

與吳汝震飲逍遙閣

汪魯狂自金陵再過東明有贈

汝震詣余負郭園

門人李水部奉命從司空潘公祈雨

泰山之巔以詩示余為和二首

和郃叅知龍岡遇雨二首

久旱聞主上視朝即雨志喜

擬同李水部登劔臺觀劔草用韻二首  
依韵答區內翰寄題逍遙園之作

寄題潘司空林居四首

寄題楊中丞雙樓二首

柳坡憲使齋捧笈完即任有贈時正西

事孔棘也

寄題黃鶴樓八首

贈韓晉勳司理武昌

贈韓晉勳之任武昌

贈渭南尹崔德嚴考績二首

贈大司空潘公乞骸待命四首兼謝

知己

贈戴大壯歸

題牡丹下垂者

陳子信持蘇左史書至有贈

再贈陳子信

題梁山人藤蘿館

答駕部楊道行從濮貽書

送胤兒赴胄監試四首

穆考功道遙園集選目錄終

穆考功道遙園集選卷之六

門人文濟李民質

魏郡敬甫穆文熙著 門人德嚴崔邦亮

關中子興南師仲選 濠梁汝脩朱宗吉校

子仲裕穆光胤梓

詩類五

七言律一百首

寄懷張潁東大理

憶昔驂駟別路岐浮雲南北總堪悲三春風雨

懷人處一帙瑤華對面時  
梁苑阿誰同授簡  
夷門有客欲酬知  
花前漫擬平原約  
藜杖何由遂所期

夏日與空上人登樓

岸幘登臨眈眼開  
脩然清興滿池臺  
夕陽鳥影雲邊去  
遠戍樓陰水面來  
自愛山僧談偈語  
誰堪華髮老塵埃  
機心已分渾忘盡  
鷗鷺從今不用猜

池上餞伯完吏部末寓招隱意

縹緲層樓入暮烟  
相看杯酒尚留連  
千章夏木城闌外  
一片飛霞浦溆前  
短榻更移栽藥塢  
長竿時倚釣魚船  
山濤似愛嵇康隱  
肯使絕交書再傳

送伯完之任汴藩

翩翩羽騎下蓬萊  
故國逢迎共舉杯  
孺子無須耽戶牖  
大夫端合上平臺  
黃河萬里天同落  
白雪千年爾更來  
授簡一朝名乍起  
梁園爭識馬卿才

青甫助甫各以雙竿見貽詩以謝之

千里裁書感數遺更堪杯竿慰相思平原佳會  
雄吞處河朔風流大嚼時把向臺前雙月動攜  
來池上兩珠隨却慚長物非吾有玉案何由報  
所知

午日同孫使君劉廣文飲池上二首

孫楚何緣一盖傾兼從外史得劉楨風流俱是  
淮南客佳節同尋水上盟傍酒荷花開歷歷坐  
林黃鳥語嚶嚶無妨大嚼歸途晚新月城頭已

放明

池館新成野色敷時來朋輩一招呼天風萬里  
吹黃鵠午日雙尊敞綠蒲情好逢人多故舊懷  
高何地不江湖牽衣更上揚雲閣池上有醉眠  
同君睨八區

午日舟中獨酌

午日輕撓蕩夕暉一尊獨傍釣魚磯荷花對酒  
盈盈赤翡翠當人故故飛郭外漸於塵事少水  
鄉時見暮烟微晚來興盡還乘馬倒著接羅踏

月歸

王元美得真術閉關寄訊二首

文彩淮南動上都八公早為授仙符駐顏不藉  
黃金鼎閱世能迴白日駒海畔潮來山自迴臺  
前月落鳥從呼可知擾擾塵氛者何得玄機叩  
有無

聞道空堂日結趺豈緣悟後得玄珠簫中子晉  
元吹鳳履下王喬故著鳧自向桑田探碧海誰  
從麋鹿想姑蘓即看白晝雙龍去定許何人一

附鬚

王敬美自關中歸訊之敬美亦遇真也

誰向清時早息機王家小令已初衣白雲海上  
三花長紫氣關門一鶴歸信是絕塵稱大士自  
應解珮遇靈妃嗟余碌碌人間世何得翻然遂  
所依

寄贈肖甫司馬撫越二首

熊軒初自鴈門迴兵氣俄傳淞水隈 手詔夜  
從長樂下樓船風擁大江來沙中但試封侯畧

渤海無勞制勝才到日虎羆爭夾道朱旂間閃  
越王臺

幾載勳名著可汗又從簡命下江干豈綠國  
士酬恩少自是才名借箸難錦纜搖空天目動  
霜威拂日海門寒可知變態浮雲盡明月江潮  
倚醉看

寄余太史丙仲二首予兩膺

勅命皆草

自太史

杏園當日共芳菲海內交情遂不違一別青山

吾獨徃十年金馬爾雄飛裁書何限緜袍意對  
酒常疑玉樹輝池上功名談笑裏會看霖雨到  
漁磯

莫訝交情久未踈兩朝綸綍藉瓊琚八行不散  
真人紫十齋深函太史書花裏幽期蕉下鹿雲  
邊消息禁中廬起居有子能懷刺相見那知不  
憶予

寄訊少司空何公

車馬柴門感昔年相逢杯酒結深緣鴻書遠道



看時下縞紵慙慙訝許傳銅柱紀功滇海外熊  
軒問俗岱宗前即今曳履承明闕漢主應知何  
武賢

寄上大藩伯丘老師

雪滿梁園入暮冬吾師何處託行蹤今藩薇省  
令羣牧曳履承明舊秩宗但看莊生人是蝶不  
妨李耳道猶龍門墻有客銜知遇極目黃河未  
可從

贈鶴石沈丈還燕時正重陽日也

沈故侍御  
按秦中

專城才向大河濱一疏俄然早乞身黃菊正逢  
重九日青尊恰對賞心人沈郎多病仍辭洛驄  
馬觀風故在秦窠是中原吾黨在不妨共倚白  
綸巾

宗漢重過吾廬攜道行詩扇有贈

南歸客子意翩翩不盡交情把袂前詩句重吟  
漳水夕酒杯共倚菊花天攜來玄草星靺動把  
向青霄月並懸窠是應劉門下好行藏兩地藉  
君傳

魏侍御赴留銓過訪有贈

旌旆搖搖拂霧開  
里中爭識魏舒才  
詩篇屢枉南金至  
紈扇兼投玉案來  
漳水秋高鴻鴈影  
江鄉人上鳳皇臺  
相逢好作平原飲  
明日天涯首重回

寄王鳳梧進士

瑯琊雙壁久知名  
大令風流早一鳴  
但向談經推左氏  
豈緣結襪重王生  
大鵬暫息圖南羽  
駿馬旋看冀北行  
信是杉榆原有誼  
春陽不斷及

柴荆

贈學博陳孝廉還閩

首帶齋頭計暫成  
驂馳旋擬薊門行  
誰知河上林舟意  
翻作風前詠木情  
稽古人餘秦博士  
譚經思係魯諸生  
天教更讀姬公禮  
藝苑終蜚兩戴名

喜拱辰太僕轉西臺

聖主恩深憶瑣闈  
白麻累動侍臣輝  
即從漢殿稱三事  
不復瑤池御六飛  
繡斧十方歸掌握  
花

驄獨步見風威無須白簡重言事坐向西臺拱  
太微

懷余宗漢明府

老大交遊跡漸稀秋來客子故依依方憐穎上  
雙星合復作天南一鴈歸寶劍自應還極浦高  
山誰復領音徽中原把臂何年事恨殺王喬寫  
不飛

擬楊道行約五子結社

方駕中原不可期天邊遙為遞新詩濮陽戰壘

還千古洹水同盟又一時看處光芒攢壁宿飛  
來詞翰亞瓊枝自應文士神偏向萬里論交未  
是奇

雪中王鳳梧見過有贈兼憶乃弟茂才

錦里遙憐結駟遊還看踏雪及滄洲高人誰復  
如安道清興君應是子猷玉樹風前堪並倚瑤  
華掌上若為投惠連更有雪中賦授簡何能一  
共收

寄南祠部李文

道通集選 卷之六  
挂帆南去已經時  
蘭省風流今在茲  
斗下光芒  
文士聚筑邊  
俠氣酒人隨  
馬從燕市原爭顧  
門對鍾山亦自竒  
故國至前梅早發  
遠憑郵吏寄相思

雪中出郭三首

乘興聊為郭外遊  
朔風吹雪滿汀洲  
連天玉樹空無影  
匝地銀潢靜不流  
氣色全歸調鶴迳  
飛揚偏傍讀書樓  
晚來更上高臺立  
恐有山陰夜半舟

樓外冰花萬頃漫  
探竒吾自一凭闌  
蒼松偃地層層碧  
烏鵲依林脈脈寒  
柱笏虛憐山色霽  
杖藜真愛酒杯寬  
醉來湯咏巴人調  
翹首乾坤有大觀

至後同雲久不開  
誰憐出郭此徘徊  
窓中瑤榭凌嶒起  
笛裡梅花爛熳來  
興劇自宜酣貰酒  
詩成那憶上平臺  
休言郢曲終難和  
白雪今當對爾裁

閻雷二子作雪山甚竒詩以壯之

積雪連朝暗小臺誰從臺畔起崔嵬滄江似擁  
驪龍下大澤真驅虎豹來覽勝阿翁原僻性移  
山爾輩亦雄才相看却咲盧敖妄五岳何年拄  
杖迴

雪後過東臺寺寺有梁貞明銅印殘碑仆廊  
下石鼎雙龍鱗甲軒然欲動殿基峯嶺下瞰  
長渠積雪迷漫曠濶無際僧獻清茗吹笙竽  
夷猶久之固迥然別界也為賦三首紀之

雪滿千巖一迳分上方鍾磬遠相聞劫灰不改  
三天界殘碣猶存六代文鼎繞雙龍常吐霧嶺  
攢雜樹欲干雲逢僧問偈何辭晚好借禪燈續  
暮曛

踏雪無妨汗湯遊還從福地一探幽臺高日月  
臨塔轉地古河渠抱寺流浮世客來俱是幻定  
中人往不知愁津梁擾擾吾疲甚此際相看是  
沃州

倚徙招提意不窮曇雲雪後尚飛濛僧傳養馬  
看神駿客有乘軒問大雄笛裡梵音聞薄暮錫

邊龍氣想遙空不須更說西來意萬慮澄然是  
此中

寄陳伯梅方伯

別來華髮感蕭騷喜有元龍氣尚豪馬自燕臺  
思步驟書從海上問綈袍河山齊魯誰爭長岳  
牧聲名爾獨高閉戶梁園吾已倦可令著作及  
時髦

傳來書素自陳遵把對能無愧此身蒙叟臺前  
垂釣客鄭莊門下並遊人薇垣法象台光近海

國雄圖 帝寵新宸是高才堪仗鉞中原翹首  
望征輪

王山人至自越

北風吹雪大河隈越客衝寒及草萊白社有緣  
元亮在竹陰無恙子猷來一時笑語歡如夢別  
後升沉話轉哀為問十年抽筆處可誰更是郢  
中才

寄贈李扶風

幾載相望一水間雙鳧西去渺難攀安仁花縣

原從洛李耳青牛故出關百里郎官天列宿千  
年畿輔漢河山相期莫負神明宰會有聲名動  
帝顏

贈門人李文濟進士使上谷過里

使者乘輅亦壯哉里人爭詫長卿來中朝未試  
匡時畧絕塞先須轉餉才嶺入飛狐看鷹墮路  
經槐峪指花開相逢未改彭宣興呼酒何妨倚  
醉迴

擬晤楊道行李北山陳寅軒于臨灤鎮

子雲風致雅誰倫為會中原款上賓已得論文  
逢李白何妨投轄有陳遵當杯酒態嗟吾老抵  
掌交情見尔真飲罷長吟成一咲風前共倚白  
綸巾

夏日晚遊東圃二首

五畝園成一迳通坐來物態總難窮城頭古堞  
遙銜照樹杪兒鴉初試風竹色盈盈連水碧榴  
花滴滴亞枝紅青藜拄處何知晚去住隨緣萬  
慮空

道過園集選 卷之六  
霞落孤城紫翠重  
耽幽行處一蒼筇  
嚶嚶柳外傳鷓管  
曲曲亭邊走竹龍  
四野紛紛當穫麥  
高臺眺望即明農  
山人不厭頻來往  
倚徙何妨及暮鍾

陳本容北來中風左體不仁出語不利詩以調之

客子重來藉杖藜  
池臺高下阻攀躋  
已看一足為龍子  
翻笑全身是馬蹄  
口吃相如還作賦  
舌存張相祇誇妻  
天留右臂非無用  
彩筆新詩為

我題

贈劉外史擢尹東安

幾載成名翰墨場  
風流今始見為郎  
不緣公幹為才子  
誰遣王喬近上方  
退食有齋非首菴  
栽花無地不河陽  
清時蚤著循良譽  
次第看君入建章

何處分符 寵命新  
薊門北望若為隣  
地無車馬堪稱僻  
水有魚鹽未是貧  
一劍光並搖象魏  
雙鳧羽翮出風塵  
年來彩筆吾憐汝  
岐路相看



意轉親

邑屬順天志載  
其地僻民貧

贈陳觀察寅軒

薊闕風雲感昔年  
別來消息總茫然  
封疆虛道還三舍  
笑語真成各一天  
櫺下有驄寧自老  
梁間無榻好誰懸  
尚書舊約何曾顧  
那得今逢濮水前

贈李符卿北山

當場把臂意何如  
御李今堪一慰予  
宦蹟兩朝同尚壘  
予亦官尚寶行歲十載總懸車  
比來好句黃

初後老去俠風仲子餘  
邂逅幾時還命駕  
西陽灑酒意躊躇

又嘲陳本容左體不仁

隔歲音書稔湯裁萍蹤  
落落總難猜  
三春花鳥雙尊盡  
千里風塵一杖來  
缺後吳干偏自利  
枯餘文梓故堪材  
詞場不是平原館  
汲水從教日幾迴

讀趙敬思橋梓詩

清時文藻競雕蟲  
橋梓泱泱自大風  
老去杜陵

詩轉細貧來司馬調愈工隋珠入夜雙生彩寶  
缺開函兩闕雄白雪祇今驚絕唱千年惟許郢  
人同

七夕

萬里明河夜不收天孫此際晤牽牛經年乍見  
成歡合一水仍看墜去留月落梧桐鍾響斷雲  
開睥睨曙光浮極知未盡相逢意風雨蕭蕭併  
作秋

七月八日

天上歡娛感昨宵一時別去總無聊機絲和淚  
難成錦烏鵲紛飛不作橋斗外河流還耿耿雨  
邊秋色已蕭蕭雙星定羨靈家婦垂老瑤琴只  
共調

走筆答伯完

秋風初動白綸巾獨倚空齋感慨頻天上歲時  
還織女人間只尺有參辰浮雲不礙青霄濶細  
雨翻增素月新窠是交情垂盡處豈應容易讓  
雷陳

寄蔡大冀以邊才起家

平臺俠氣日飛揚  
伯仲聲名故鴈行  
愛弟總應推小令  
難兄終自數元方  
南溟五月鵬堪運  
遼海三秋鶴欲翔  
道上有祠君莫問  
何嫌重為煮黃梁

寄謝蔡大詩扇

三朝詞賦果誰雄  
厯下於今擅大風  
借問沙場嘶駿馬  
何如玉軫送飛鴻  
陽春不受千人賞  
鞭弭無須一日逢  
寔是惠連稱強項  
未應春草句

還工

聞秋蟬懷友

炎氣侵人罷草玄  
一聲何處響秋蟬  
淒清遠樹微風外  
縹緲高臺落日前  
幼女初矜鳴瑟手  
騷人欲賦卜居篇  
天涯別後蟬冠客  
時物重經感歲年

寄穆龍峰自大名擢楚叅知二首

彈壓名高掩昔賢  
除書早已見登仙  
交情四海憐同姓  
別意三秋感各天  
驄馬暫辭漳水外  
錦

近世國集選 卷之六  
帆遙挂漢陽前元王好客風還在儘可逍遙醴  
酒筵

攬轡行遊得意年揭來南去擁樓船池臺笑語  
光風在河朔威名白日懸乍向朱簾看掛雨早  
從黃鶴問飛仙澤蘭九畹秋方茂好托郵人一  
寄還

洞巖王生見過賦吾消搖園詩以答之

酒盞揮毫賦早成高才那不羨王生鳳毛自爾  
堪為彩牛耳何人更主盟剩水殘山林外色鳴  
屣情

金戛玉兩邊聲衝泥莫放銀鞍去未盡中郎倒  
寄謝蔡二子齊詩扇

大陸霜寒鴈字高緘書遠寄意何勞詞名湖海  
吾真忝詩句縱橫爾太豪文戰不妨開壁壘交  
情無恙自綈袍還期一醉漳河曲共向尊前拂  
寶刀

閩人陳本虞自都中來視其弟本容過訪  
投詩和答二首

把臂時來坐不歸閒情好與對芳菲才名閩水  
雙龍劍伯仲詞林兩布衣久客未忘南國操相  
逢聊賦北山薇年來叔夜真成懶得尔何妨知  
者稀

行李蕭然一素琴乾坤何物是知音荔枝花下  
三春夢芳草池邊萬里心許飲陶潛新結社談  
天鄒衍舊招尋彩毫種種驚人在文雅如君可  
盍簪

王山人日收博利而廢賡和詩以調之

杜陵老去賦還工豈有江淹夢遂窮花鳥縱令  
愁彩筆詩篇那可負春風擲同劉毅懷堪壯呼  
有袁耽意自雄俗殺牙籌王夷甫忍將子母易  
雕蟲

陳大以詩八首和余兼以石經字集成一  
序喜而有贈

難兄果信是元方詞翰風流總擅場詩目乍疑  
唐杜甫篆文真逼漢中郎馬從燕市知驥裏珠  
到梁園是夜光花下一尊期共醉主人家愛客

清狂

題並頭牡丹

洛水繁華事已殘那知並蒂有奇觀  
妝成秦女覆窺鏡歌罷吳娃共倚闌  
巧笑當人看不定妬情附耳話仍難  
若教早入沉香圍應遣詞臣賦合歡

與王陳二山人訂郭外賞花之約

新開別圃傍城東花藥繽紛一迳通  
黃紫無須傳洛水緜華自合領春風  
扁舟興在憐王子授

轄情高憶孟公好擬花前明日約  
主人踏月遲芳叢

觀籠鳥

羽翮蕭條不解愁野夫對爾重夷猶  
若教潛影寧堪慕總為能言故見收  
簾外草花空厯亂籠中歲月幾淹留  
東林舊侶還無恙更向春風何處求

再贈吳汝震兼憶張助父

幾年習靜只郊墟何處人來問索居  
去國名同

吳季子遊梁客似馬相如永和翰墨揮毫外越  
絕縱橫抵掌餘更報故人能念我每從杯酒一  
躊躇

吳汝震述其謁張助父于寧夏詩以壯之  
榆林萬里隔風烟平子懷人意杳然不有綈袍  
尋舊誼誰從幕府得新篇酒杯共嘯長城下戰  
壘平分大夏前却笑勒銘成故事彩毫不肯上  
祈連

吳汝震自城上訪余郭外坐曲水池登竒

雲樓觀並頭牡丹有贈

四明客子本清狂薄暮乘城到野堂過水乍應  
憐澤國登樓何處認江鄉名花並蒂原非偶彩  
筆隻題自不妨好覓清尊拚一醉主人池館是  
高陽

觀楊花

繚繞隨風亦太狂水邊乍過復迴廊飄殘白雪  
難成調飛盡梨花不作香豈有隨車能照乘但  
教著耳失明璫閨中少婦愁看汝夫婿天涯欲

斷腸

觀渠水

隨身插畚自今泉風致依稀似輞川  
遠近全經五畝外縱橫遙注百花前  
灌園想見昔人隱抱甕因知野父賢  
日暮支筇不忍去徐看藻荇葉田田

題張助甫督府綠波樓末翻案自嘲

儼閣新成事可傳通侯印在好誰捐  
白雲深擁歸田處紫氣平臨聚宿前  
明月南樓元庾亮浮

槎西域自張騫惟應勝景還輸我  
灑水莊生一釣舡

與吳艸堂王松莊二山人論詩閻生池上  
才向華巖一問禪便從草閣醉彭宣  
客情放浪乾坤外詩句騰凌杯筆前  
出郭已宜踈野性臨池更愛夕陽天  
越吟未罷燕歌發鞭弭誰應退舍年

訊傅湄陽行取過里

別後天南杳一方好音慰我意飛揚  
餘艗計日



來吳地絃管將人到魯鄉堂上慈親瞻彩服垣  
中明主待封章霜威莫羨劉郎好江左聲名  
在廌行

飲孝廉崔德嚴池上

茅堂初起意悠哉池水中亭一鑑開爽氣不緣  
紈扇至天光偏俯酒尊來主人清興當歌發客  
子新詩倚醉裁向晚不妨兒拍手山公自倒接  
羅迴

留別吳汝震

竒雲樓倚藕花灣暫得詞人一共攀詩句已看  
留麗藻別情未信是河山酒杯笑語逍遙處觚  
管風雲指顧

寄李于田吏部

十載書郵寄意重風塵無處一相從留中啓事  
推山簡海內詞名屬李邕隻闕即看排日月三  
江那更采芙蓉非緣貢禹彈冠切聖主憐才  
不易逢

拱辰以余所著百將提衡似冢宰楊公繆  
得賞鑒二首

觚管談兵湯自猜書成慚愧昔人才不緣司馬  
從推轂那得山公入品裁一笑風雲生八陣中  
宵藜火接三台侯巴巴濫楊雄賞何用扁舟問  
字廻

伏首青山不記年人間今始出新編敢言司馬  
逢楊意却喜桓譚見太玄魚目珎歲十龍後蒲  
葵價重一揮前古來知遇無霄壤梅蕊春風氣

自傳

喜大司馬張公還朝兼枉薦書有作二首  
南北爭傳大帥名還朝復此見崢嶸盧龍寒雪  
隨旌影薊闕風雲護履聲八座位高銅虎署九  
方職總玉麟兵尺書枉薦幽燕士忼慨何人更  
請纓

遼海功成擁傳廻中朝人指令公來詞林已擅  
七雄長薦剡兼題四輔才望裡君應憐寶劍顧  
邊吾自媿駕駘不須論道彈冠處一字榮光足

草萊

聞太宰楊公令器登鄉書

青霄羽翮羨翩翩  
十二雄圖發秀年  
山倚岱宗偏得日  
地連瀛海故登仙  
大風傾動延陵賞  
直筆憑凌太史賢  
家學自應能悟主  
時清不用賦甘泉

雨後吳汝震訪余負郭園論詩

長林過雨意幽哉  
逸客風流從騎來  
懶慢恠余方息木  
飛揚携尔忽登臺  
縱譚今古豪吟輦  
指顧詞壇上將才  
授簡當年君自見  
可誰文藻繼鄒枚

元日送盧明府北上

悵別河梁歲始新  
相看猶是故鄉人  
柳條梅蕊遙山色  
彩勝金花上國春  
落日酒尊饒意氣  
良時車馬豈風塵  
崢嶸好作君家事  
切莫江湖話隱淪

再寄李于田

慷慨誰當趙魏豪  
蒲陽想見客情高  
交遊不用

同杯酒把贈真看脫寶刀  
魏我行藏成敝屣感  
君意念重綈袍擬將七尺酬  
知已恨殺流年已  
二毛

寄謝中丞賈公

白簡中朝久著名  
恒南開府盛談兵  
長城雲歛  
鷗時下紫塞風清  
矢不鳴傾蓋每憐當日契  
彈冠真見古人情  
野夫家近平原館  
一語銜恩意  
氣生

別心田侍御二首

幾載家山共起居  
青春此去定何如  
朝廷正  
藉桓公馬湖海還須范氏車  
酒外別情看一鴈  
天邊芳信遲  
雙魚故人窠有文園渴  
楊意無勞  
說子虛

忘年杯酒日交驩  
離館相將去住難  
我已青山  
常辟穀君今長跣好加餐  
雲霄但有王陽侶  
塵土何妨貢禹冠  
任是故園賓客盡  
江湖吾自一  
綸竿

登大伾山時值久旱

勝地登臨壯客懷扶筇漫倚碧雲隈山形故抱  
黎陽轉河勢遙從白馬來滄海龍歸還有洞浮  
丘人去尚餘臺何當此日為霖雨坐見 皇仁  
徧艸萊

賀閻別駕擢本府二守

久從轉餉著賢勞一日雄飛迴自高別駕即教  
隣五馬大夫豈必夢三刀看花更傍安陽邸嘯  
月還同庾亮曹家是何人饒喜意漆園有客舊  
山濤

寄答羊嵩原

尺書遙下大河津把對俄令感慨頻風采上方  
雙寶劒聲名湖海一孤臣已從空洞明禪理兼  
自逍遙領道真家是 君王留記憶豈容羊祜  
早祈身

邂逅王司理

命駕招尋故有盟草茅今此得逢迎實無戶牖  
干時榮虛枉夷門下客情酒盞浮餘還說劍池  
臺歷盡一班荆眼中才俊如君幾白簡相期早

著名

寄傅湄陽柱史

直指乘軺按部年風雲想見意翩翩  
清秋馬度漁陽外白簡霜飛薊闕前  
天上正憐鴻鴈羽山中空賦紫霞篇  
極知不負終軍志一笑長纓繫虜還

贈別羊嵩原

瞬息升沉事幾多除書今喜下漳河  
朝陽采鳳聲常在暮雨朱簾客暫過  
郡閣不堪愁蔣詡岐

途無奈別羊何中州才子原前席  
珍重雄詞弔汨羅

丙戌大侵以千金助賑人有訝之者解嘲  
二首

聖主祈年祀事闌不堪雲漢歌猶殘  
雞豚寥落千家盡鴻鴈哀鳴大澤寒  
憂世獨憐心尚在救荒忍見榮為難  
千金總是君王祿揮灑何妨一笑看

祿食清朝愧有年歸來餘橐恣流連  
今逢白屋

無烟火誰復黃金作酒錢一飯盡為明主惠  
千家何意野人憐但看煖氣由々發稍似鄧生  
黍谷前

魯藩中貞以詩乞正却寄二首

帝子書來報所知開函氣色總離々神交千里  
誰堪許風雅三傳爾竒自是明珠投處好豈  
應寶劍望中疑尤憐詞客清時滿獨向中原問  
鼓旂

梁園當日數平臺詞社東藩爾再開賦雪可邀  
枚乘筆登高定有馬卿才思窮滄海茫無際意  
到秦峰儼上台醴酒若教重為設詩成應自紀  
磨崖

寄謝龍塘

大地春風放早梅故人消息逐時來邊聲不動  
遼陽戍戰色全消薊北臺借箸席前籌幕府揮  
毫馬上駕羣才登壇自是須史事萬里疆場保  
障哉

別沈邑令

道通集卷之六  
把酒班荆別意長不堪有淚洒衣裳  
漆園吏事便莊叟白下江山遲沈郎  
鳥外風烟分別浦馬頭楊柳即甘棠  
兩都南北非修阻早見飛鳧到上方

穆考功道遙園集選卷之六



